



**Volumen Epistolarum, Qvas Romani Pontifices, Gregorijs  
III., Stephanvs III., Zacharias I., Pavlvs I., Stephanvs IV.,  
Adrianvs et Pseudopapa Constantinus miserunt & reges  
Francorum, Carolvm Martellvm, ...**

**Gretser, Jacob**

**[München], 1613**

Jtem exemplar Epistolæ ad Domnum Pippinum regem per Vitmarum &  
Gerbertum Abbates atque Hugbaldum directa, in qua continentur  
gratiarum laudes, pro exaltatione sanctæ Dei Ecclesiæ, & postulans, vt ...

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

eximiis regibus & patriciis Romanorum Domnis Carolo & Carolomanno, nec non & domina Gisila nobilissima perfrui concedat, & coelestis regni gaudia cum sanctis & electis possidenda per infinita tribuat saecula. Incolumem Excellentiam vestram gratia superna custodiat.

*Item exemplar Epistola ad Dominum Pippinum regem per Vitmarum & Gerbertum Abbates atque Hugbaldum directa, in qua continentur gratiarum laudes, pro exaltatione sanctae Dei Ecclesiae, & postulans, ut semper in id decertare debeat.*

## XVII.

*Summ. 24.  
Bar. &  
Cent.*

**D**OMNO excellentissimo filio, & nostro spirituali Compatri Pippino Regi Francorum, & Patricio Romanorum, Paulus Papa. Dum tam maxima nobis dilectionis affectio erga vestram à Deo inspiratam excellentiam insistit, ob hoc, sicut terra sitiens imbriferam desiderat inundationem, ita quoque vestrae prosperitatis cupimus addiscere nuntia, & de vestris profectibus gratulari, in hoc quippe nostri cordis est devotio exultandi, dum nimirum salus vestra, nostra existit securitas. Interea duarum epistolarum series, quas vestra direxit excellentia, cum magno suscepimus amore; unam quidem primitus per Petrum primum Defensorem Missum nostrum; & aliam per praesentes fidelissimos vestros Missos Widmarum scilicet & Gerbertum Abbates, atque Hugbaldum virum illustrem, quarum paginam indagantes, mox liquidò cuncta in eis exarata didicimus; immensas, protinus de nostro referentes laudes, qui nos de vestra annuit sospitate gratulari.

In



In ipsis deniq; vestris relationibus solitam nobis à Deo illustratæ mentis vestræ constantia protulit spei fiduciam, in id, quod in pensius innotuistis, atq; sedulo ex operibus demonstrastis, vos totis viribus pro exaltatione sanctæ Dei Ecclesiæ, & fidei Orthodoxæ defensione esse decertaturos, & in ea vos fidei pollicitatione permansuros. Quam B. Petro, principi Apostolorum, nostrosq; de præcessori, Domino & germano beatissimo Stephano Papæ spondidistis. Unde & in nostra fixi charitatis connexionem, ideo iuxta id, quod petendo direximus, præfatos ad nos vestros videmini direxisse missos; qui apud Langobardorum imminerent Regem, pro diuersis sanctæ Dei Ecclesiæ causis ac iustitiis, & in nostro assisterent solatio; pro quo innumerabiles vobis referimus gratiarum actiones, quia verè, sicut benignus Rex & amator spiritualis matris vestræ, sanctæ Dei Ecclesiæ agere, Christianissime fili & spiritualis Compater semper studes, & profecto erit tibi Dominus & in præsentem & futura dignus retributor.

Nos itaq; Excellentissime, & à Deo protecte fili, & spiritualis Compater, firmi in vestræ charitatis dilectione permanemus. Nec est vlla rerum aut temporum qualitas, quæ nos à vestra charitate possit separare, quia tu verè noster, post Deum, constas esse defensor & auxiliator.

Præfati deniq; Missi vestri, in nostri præsentia, cum Langobardorum Missis, nec non & Pentapoliensium, ac singularum nostrarum ciuitatum, hominibus adstantes, comprobatio coram eis facta est, de habitis inter vtrasq; partes aliquibus iustitiis, videlicet de pecuniis inter partes restitutis. Nam de finibus ciuitatum



nostrarum & patrimonii beati Petri, ab eisdem Langobardis retentis atque inuasis, nihil vsq; haecenus, etiam ea, quæ primitus reddiderant denuo inuaserunt. Vnde constitit, vt nostri ac singularum nostrarum ciuitatum Missi, ad Desiderium Langobardorum Regem, cum vestris progredi debeant Missis, vt in eorum atque prædicti Regis præsentia, pro eisdem finibus ac patimoniis, comprobatio fiat, nobisque omnia iuxta pactiõnem restituantur, & nescimus, quid ex hoc proueniendum sit; attamen per præfatos vestros Missos, rei agnoscere potestis meritum.

Quapropter quesumus à Deo protectam Excellentiam vestram, vt ita disponere iubeat vt plenarias de omnibus recipere valeamus iustitias, quatenus idem B. Petrus, princeps Apostolorum, pro cuius restituendis luminariis decertatis, firmissimus vobis sit auxiliator, ac optimus remunerator: Nam pro certo agnoscat excellentissima Christianitas vestra, quia si nobis præfati ciuitatum nostrarum ab eisdem Langobardis inuasi fines, atque patrimonia reddita non fuerint, etiam ea, quæ primitus reddiderunt, inuadere insidiabuntur, quapropter obnixè petimus Christianitatem vestram, vt vestra solita dispositione exaltatio sanctæ Dei Ecclesiæ, & istius à vobis redemptæ, cum Dei virtute, prouinciæ salus proficiat, & ea omnia, quæ vestri Missi sibimet à vestra præcellentiâ iniuncta habuerunt, nobis liquidius referentes, ad singula eis responsum reddidimus, & de omnibus eos informauimus, quæ vestræ Excellentiae referre debeant, nostrasque petitiones vestris studeant intimare auribus.

His



His itaq; præmissis Dei nostri omnipotentis exoramus clementiam, vt sua vos fouere annuat gratia, & præfenti temporali regno in longo senio cum prosperitate corporis & salute animæ perfrui concedat. Vna cum dulcissima coniuge vestra excellentissima Regina filia & spiritali nostra commatre, atq; præcellentissimis vestris natis; & cœlestia quoque vobis per infinita tribuat præmiorum gaudia possidenda. Incolumem Excellentiam vestram gratia superna custodiat.

*Item exemplar Epistole ad Domnum Pippinum Regem per Haribertum Abbatem, & Dodonem comitem directæ, in qua continentur vberissima benedictiones & gratiarum laudes, de firmo atq; incommutabili pollicitationis verbo & magna perseuerantia in perficiendis causis Apostolicis.*

## XVIII.

**D**OMNO excellentissimo filio, & nostro spiritali compatri Pippino Regi Francorum & Patricio Romanorum Paulus Papa. Explere verbis nequeo & penitus sermonum copia nequam complecti valeo, excellentissime & reuera præcunctis regibus Christianissime atque orthodoxe Regum; quantum vestris meritis, atque piis operationum studiis intima cordis nostri affectio congratulatur, dum profectò vestro certaminis præsidio & laborioso conamine, sancta Catholica & Apostolica vniuersalis mater vestra spiritalis, Dei Ecclesia, atque orthodoxa Christianorum fides, ab æmulorum inpugnationibus ereptæ consistunt & ex hoc indefinenter, ab omni populo Chri-

Summ. 23.  
Bar. 68  
Cent.